

**«ԲԱՐՁՐԱՎՈՒՄ ԷԼԵԿՏՐԱՑԱՆՑԵՐ» ՓԱԿ ԲԱԺՆԵՏԻՐԱԿԱՆ ԸՆԿԵՐՈՒԹՅԱՆ  
ԿԱՐԻՔՆԵՐԻ ՀԱՄԱՐ՝ «ՄԱՔՍԱՅԻՆ ՆԵՐԿԱՅԱՑՈՒՑՉԱԿԱՆ (ԲՐՈՔԵՐԱԿԱՆ)»  
ԾԱՌԱՅՈՒԹՅՈՒՆՆԵՐԻ ՁԵՌՔԲԵՐՄԱՆ ՊԱՅՄԱՆԱԳԻՐ  
N «ԲԷՑ-ԳՀԾՁԲ-19/19»**

ք. Երևան

«28» հունիսի 2019թ.

«Բարձրավույտ էլեկտրացանցեր» փակ բաժնետիրական ընկերությունը, ի դեմս գլխավոր տնօրեն Հայկ Հարությունյանի, որը գործում է ընկերության կանոնադրության հիման վրա (այսուհետ՝ Պատվիրատու), մի կողմից, և «ՔԱՍԹԸՄՍ ԲՐՈՔԵՐ ՍԵՐՎԻՍ» սահմանափակ պատասխանատվությամբ ընկերությունը, ի դեմս տնօրեն Հակոբ Մանուկյանի, որը գործում է ընկերության կանոնադրության հիման վրա (այսուհետ՝ Կատարող), մյուս կողմից, կնքեցին սույն պայմանագիրը հետևյալի մասին:

**1. ՊԱՅՄԱՆԱԳՐԻ ԱՌԱՐԿԱՆ**

1.1 Պատվիրատուն հանձնարարում է, իսկ Կատարողը ստանձնում է «Մաքսային ներկայացուցչական (բրոքերական)» ծառայությունների մատուցման պարտավորությունը (այսուհետ՝ Ծառայություն)՝ համաձայն սույն պայմանագրի (այսուհետ՝ Պայմանագիր) անբաժանելի մասը կազմող N 1 հավելվածով սահմանված Տեխնիկական բնութագիր-գնման ժամանակացույցի պահանջների:

1.2 Ծառայությունը մատուցվում է Պայմանագրի N 1 հավելվածով սահմանված Տեխնիկական բնութագիր-գնման ժամանակացույցին համապատասխան և սահմանված ժամկետներով:

**2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ**

2.1 Պատվիրատուն իրավունք ունի՝

2.1.1 Ցանկացած ժամանակ ստուգել Կատարողի կողմից մատուցվող Ծառայության ընթացքը և որակը՝ առանց միջամտելու Կատարողի գործունեությանը.

2.1.2 Եթե մատուցվել է Պայմանագրի N 1 հավելվածում նշված Տեխնիկական բնութագիր-գնման ժամանակացույցին չհամապատասխանող Ծառայություն.

ա) Չընդունել Ծառայությունը՝ իր հայեցողությամբ սահմանելով անպատշաճ որակի Ծառայությունը Պայմանագրին համապատասխանող Ծառայությամբ անհատույց փոխարինման ողջամիտ ժամկետ և պահանջել Կատարողից վճարելու Պայմանագրի 5.2 կետով նախատեսված տուգանքը, ինչպես նաև 5.3 կետով նախատեսված տույժը.

բ) Հրաժարվել Պայմանագիրը կատարելուց և պահանջել վերադարձնելու Ծառայության համար վճարված գումարը և պահանջել Կատարողից վճարելու Պայմանագրի 5.2 կետով նախատեսված տուգանքը.

2.1.3 Միակողմանի լուծել Պայմանագիրը, եթե Կատարողն էականորեն խախտել է Պայմանագիրը: Կատարողի կողմից Պայմանագիրը խախտելն էական է համարվում, եթե՝

ա) մատուցված Ծառայությունը չի համապատասխանում Պայմանագրի N 1 հավելվածով սահմանված պահանջներին,

բ) խախտվել է Ծառայության մատուցման ժամկետը:

## **2.2 Պատվիրատուն պարտավոր է՝**

2.2.1 Քննարկել և ընդունել Տեխնիկական բնութագիր-գնման ժամանակացույցին համապատասխան մատուցված Ծառայության արդյունքը, իսկ Ծառայության արդյունքում թերություններ հայտնաբերելու դեպքերում՝ այդ մասին անհապաղ գրավոր հայտնել Կատարողին:

2.2.2 Ծառայության արդյունքն ընդունելու դեպքում Կատարողին վճարել վերջինիս վճարման ենթակա գումարները, իսկ ժամկետի խախտման դեպքում՝ նաև Պայմանագրի 5.5 կետով նախատեսված տույժը:

## **2.3 Կատարողն իրավունք ունի՝**

2.3.1 Պատվիրատուից պահանջել վճարելու իրեն վճարման ենթակա գումարները, իսկ Պատվիրատուի կողմից Պայմանագրի 4.2 կետում նշված ժամկետի խախտման դեպքում նաև պայմանագրի 5.5 կետով նախատեսված տույժը:

## **2.4 Կատարողը պարտավոր է՝**

2.4.1 Պայմանագրի N 1 հավելվածով սահմանված պայմաններով ապահովել Ծառայության մատուցումը՝ ղեկավարվելով գործող օրենսդրությամբ:

2.4.2 Պայմանագրով նախատեսված դեպքերում վճարել Պայմանագրի 5.2 և 5.3 կետերով նախատեսված տուգանքը և տույժը:

2.4.3 Պայմանագրի կատարման ապահովման գործողության ընթացքում լուծարման կամ սնանկացման գործընթաց սկսելու դեպքում դրա մասին նախապես գրավոր տեղեկացնել Պատվիրատուին:

## **3. ԾԱՌԱՅՈՒԹՅԱՆ ՀԱՆՁՆՄԱՆ ԵՎ ԸՆԴՈՒՆՄԱՆ ԿԱՐԳԸ**

3.1 Մատուցված Ծառայությունն ընդունվում է Պատվիրատուի և Կատարողի միջև հանձնման-ընդունման արձանագրության ստորագրմամբ: Ծառայությունը Պատվիրատուին հանձնելու փաստը ֆիքսվում է Պատվիրատուի և Կատարողի միջև երկկողմ հաստատված փաստաթղթով՝ նշելով փաստաթղթի կազմման ամսաթիվը:

Մինչև Պայմանագրով Ծառայության մատուցման համար նախատեսված օրը ներառյալ Կատարողը Պատվիրատուին է տրամադրում իր կողմից ստորագրված՝ Ծառայությունը Պատվիրատուին հանձնելու փաստը ֆիքսող փաստաթուղթը (հավելված N 3.1), իսկ էլեկտրոնային գնումների armeps համակարգի միջոցով (գործողության իրականացման ձեռնարկը տեղադրված է [www.procurement.am](http://www.procurement.am) հասցեով գործող կայքի «Էլեկտրոնային գնումներ» բաժնում)՝ նաև հանձնման-ընդունման արձանագրությունը (հավելված N 3): Ընդ որում Կատարողը հանձնման-ընդունման արձանագրությունը չի կնքում, հաստատում է էլեկտրոնային ստորագրությամբ՝ լրացնելով միայն այն սյունակները, որոնք վերաբերում են իր տվյալներին (լրացման կարգը տեղադրված է [www.procurement.am](http://www.procurement.am) հասցեով գործող կայքի «Օրենսդրություն» բաժնի «Ֆինանսների նախարարի հրամաններ» ենթաբաժնում):

3.2 Եթե մատուցված Ծառայությունը համապատասխանում է Պայմանագրի պայմաններին, Պատվիրատուն Պայմանագրի 3.1 կետում նշված փաստաթղթերը ստանալու օրվան հաջորդող աշխատանքային օրվանից հաշված 15 աշխատանքային օրվա ընթացքում ստորագրում և էլեկտրոնային գնումների armeps համակարգի միջոցով Կատարողին է տրամադրում իր կողմից ստորագրված հանձնման-ընդունման արձանագրությունը և դրա ստորագրման համար հիմք հանդիսացած դրական եզրակացությունը:

3.3 Եթե մատուցված Ծառայությունը կամ դրա մի մասը չի համապատասխանում Պայմանագրի պայմաններին, ապա Պատվիրատուն չի ստորագրում հանձնման-ընդունման արձանագրությունը և Պայմանագրի 3.2 կետում նշված ժամկետում էլեկտրոնային գնումների armeps համակարգի միջոցով Կատարողին հետ է վերադարձնում հանձնման-ընդունման արձանագրությունը և դրա չստորագրման համար հիմք հանդիսացած բացասական եզրակացությունը: Սույն կետի կիրառման դեպքում Պատվիրատուն ձեռնարկում է նման իրավիճակի համար Պայմանագրով նախատեսված միջոցները և Կատարողի նկատմամբ կիրառում է Պայմանագրով նախատեսված պատասխանատվության միջոցներ:

3.4 Եթե Պայմանագրի 3.2 կետով սահմանված ժամկետում Պատվիրատուն չի ընդունում մատուցված Ծառայությունը կամ չի մերժում դրա ընդունումը, ապա մատուցված Ծառայությունը համարվում է ընդունված և Պայմանագրի 3.2 կետով սահմանված վերջնաժամկետին հաջորդող աշխատանքային օրը Պատվիրատուն էլեկտրոնային գնումների համակարգի միջոցով Կատարողին է տրամադրում իր կողմից ստորագրված հանձնման-ընդունման արձանագրությունը:

#### **4. ՊԱՅՄԱՆԱԳՐԻ ԳԻՆԸ**

4.1. Սույն Պայմանագրով Կատարողի մատուցման ենթակա Ծառայության գինը կազմում է 8100000 (ութ միլիոն հարյուր հազար) ՀՀ դրամ:

Գինը ներառում է Կատարողի կողմից իրականացվող բոլոր ծախսերը՝ այդ թվում հարկերը, տուրքերը և ՀՀ օրենսդրությամբ սահմանված այլ վճարները:

Ծառայության մատուցման գինը կայուն է և Կատարողն իրավունք չունի պահանջել ավելացնելու, իսկ Պատվիրատուն նվազեցնելու այդ գինը:

4.2 Պատվիրատուն իրեն մատուցած Ծառայության դիմաց վճարում է ՀՀ դրամով անկանխիկ՝ դրամական միջոցները Կատարողի հաշվարկային հաշվին փոխանցելու միջոցով: Դրամական միջոցների փոխանցումը կատարվում է հանձնման-ընդունման արձանագրության հիման վրա՝ Պայմանագրի վճարման ժամանակացույցով (հավելված N 2) նախատեսված չափերով և ամիսներին՝ հանձնման-ընդունման արձանագրության հաստատումից հետո մինչև 30 աշխատանքային օրվա ընթացքում:

#### **5. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ**

5.1 Կատարողը պատասխանատվություն է կրում Ծառայության մատուցման՝ Պայմանագրի պահանջների պահպանման համար:

5.2 Պայմանագրի N 1 հավելվածում նշված տեխնիկական բնութագրին չհամապատասխանող Ծառայություն մատուցելու յուրաքանչյուր դեպքում Կատարողից գանձվում է տուգանք՝ Պայմանագրի 4.1 կետում նախատեսված գումարի 0,5 (զրո ամբողջ հինգ տասնորդական) տոկոսի չափով:

5.3 Պայմանագրով նախատեսված Ծառայության մատուցման ժամկետը խախտելու դեպքում Կատարողից յուրաքանչյուր ուշացված օրվա համար գանձվում է տույժ՝ մատուցման ենթակա, սակայն չմատուցված Ծառայության գնի 0,05 (զրո ամբողջ հինգ հարյուրերորդական) տոկոսի չափով:

5.4 Պայմանագրի 5.2 և 5.3 կետերով նախատեսված տուգանքը և տույժը հաշվարկվում և հաշվանցվում են Ծառայություն մատուցելու արդյունքում Կատարողին վճարման ենթակա գումարների հետ:

5.5 Պատվիրատուի կողմից Պայմանագրի 4.2 կետով նախատեսված ժամկետի խախտման դեպքում Պատվիրատուի նկատմամբ յուրաքանչյուր ուշացված օրվա համար հաշվարկվում է տույժ՝ վճարման ենթակա, սակայն չվճարված գումարի 0,05 (զրո ամբողջ հինգ հարյուրերորդական) տոկոսի չափով:

5.6 Պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:

5.7 Տույժերի և (կամ) տուգանքի վճարումը Կողմերին չի ազատում իրենց Պայմանագրային պարտավորությունները լրիվ կատարելուց:

#### **6. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆ (ՖՈՐՍ-ՄԱԺՈՐ)**

Սույն Պայմանագրով և սույն Պայմանագրի հիման վրա կնքված համաձայնագրերով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն Պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը,

պատերազմը, ռազմական և անհաղթահարելի դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն Պայմանագրով պարտավորությունների կատարումը: Եթե անհաղթահարելի ուժի ազդեցությունը շարունակվում է 3 (երեք) ամսից ավելի, ապա կողմերից յուրաքանչյուրն իրավունք ունի լուծել Պայմանագիրը՝ այդ մասին նախապես տեղյակ պահելով մյուս կողմին:

## 7. ԱՅԼ ՊԱՅՄԱՆՆԵՐ

7.1 Պայմանագիրն ուժի մեջ է մտնում կողմերի ստորագրման պահից և գործում է մինչև կողմերի Պայմանագրով ստանձնած պարտավորությունների ողջ ծավալով կատարումը:

7.2 Պայմանագրից ծագած կողմի վճարային պարտավորությունը չի կարող դադարել այլ Պայմանագրից ծագած՝ հակընդդեմ պարտավորության հաշվանցով, առանց կողմերի գրավոր և կնիքով հաստատված համաձայնության: Պայմանագրից ծագած պահանջի իրավունքը չի կարող փոխանցվել այլ անձի, առանց պարտապան կողմի գրավոր համաձայնության:

7.3 Այն դեպքում, երբ օրենքով նախատեսված կարգով օրենքի պահանջների կատարման նկատմամբ հսկողության կամ վերահսկողության կամ բողոքների քննության արդյունքում արձանագրվում է, որ գնման գործընթացում, մինչև Պայմանագրի կնքումը, Կատարողը ներկայացրել է կեղծ փաստաթղթեր (տեղեկություններ և տվյալներ), կամ վերջինիս ընտրված մասնակից ճանաչելու մասին որոշումը չի համապատասխանում Հայաստանի Հանրապետության օրենսդրությանը, ապա այդ հիմքերն ի հայտ գալուց հետո Պատվիրատուն իրավունք ունի միակողմանիորեն լուծելու Պայմանագիրը, եթե արձանագրված խախտումները մինչև Պայմանագրի կնքումը հայտնի լինելու դեպքում գնումների մասին Հայաստանի Հանրապետության օրենսդրության համաձայն հիմք կհանդիսանային Պայմանագիրը չկնքելու համար: Ընդ որում, Պատվիրատուն չի կրում Պայմանագրի միակողմանի լուծման հետևանքով Կատարողի համար առաջացող վնասների կամ բաց թողնված օգուտի ռիսկը, իսկ վերջինս պարտավոր է Հայաստանի Հանրապետության օրենքով սահմանված կարգով փոխհատուցել իր մեղքով Պատվիրատուի կրած վնասներն այն ծավալով, որի մասով Պայմանագիրը լուծվել է:

7.4 Պայմանագրի հետ կապված վեճերը ենթակա են քննության Հայաստանի Հանրապետության դատարաններում:

7.5 Պայմանագրում փոփոխություններ և լրացումներ կարող են կատարվել միայն Կողմերի փոխադարձ համաձայնությամբ՝ համաձայնագիր կնքելու միջոցով, որը կհանդիսանա պայմանագրի անբաժանելի մասը: Արգելվում է Պայմանագրում, և (կամ) Պայմանագրին կից հաջորդող յուրաքանչյուր տարիներին կնքված համաձայնագրերում կատարել այնպիսի փոփոխություններ, որոնք հանգեցնում են գնվող Ծառայության ծավալների կամ ձեռք բերվող Ծառայության միավորի գնի կամ Պայմանագրի գնի արհեստական փոփոխման:

Պայմանագրի կողմերից անկախ գործոնների ազդեցությամբ Պայմանագրի փոփոխման յուրաքանչյուր դեպք սահմանում է Հայաստանի Հանրապետության կառավարությունը:

7.6 Ծառայության մատուցման ժամկետը կարող է երկարաձգվել մինչև Պայմանագրով այդ ժամկետը լրանալը՝ Կատարողի առաջարկության առկայության դեպքում՝ պայմանով, որ Պատվիրատուի մոտ չի վերացել Ծառայության օգտագործման պահանջը: Ընդ որում սույն կետով սահմանված դեպքում Ծառայության մատուցման ժամկետը կարող է երկարաձգվել մեկ անգամ մինչև 30 օրացուցային օրով, բայց ոչ ավել քան Պայմանագրով սահմանված ժամկետն է:

7.7 Պայմանագրի պատշաճ կատարման պայմաններում կողմերի (Կատարող կամ Պատվիրատու) օգուտները (խնայողություններ) կամ կրած վնասները տվյալ կողմի օգուտը կամ կրած վնասն են:

Պայմանագրի կողմերի՝ երրորդ անձանց նկատմամբ պարտավորությունները՝ ներառյալ Պայմանագրի կատարման շրջանակում Կատարողի կնքած այլ գործարքները և դրանցից բխող պարտավորությունները, դուրս են Պայմանագրի կարգավորման դաշտից և չեն կարող ազդել Պայմանագրի կատարման արդյունքն ընդունելու վրա: Այդ գործարքների և դրանցից բխող պարտավորությունների կատարման հետ կապված հարաբերությունները կարգավորվում են այդ

գործարքների հետ կապված հարաբերությունները կարգավորող նորմերով, և դրանց համար պատասխանատու է Կատարողը:

7.8 Պայմանագիրը չի կարող փոփոխվել կողմերի պարտավորությունների մասնակի չկատարման հետևանքով կամ ամբողջությամբ լուծվել կողմերի փոխադարձ համաձայնությամբ՝ բացառությամբ՝ Հայաստանի Հանրապետության օրենսդրությամբ սահմանված կարգով Ծառայության մատուցման համար անհրաժեշտ ֆինանսական հատկացումների նվազեցման դեպքերի: Ընդ որում, Պայմանագրի կողմերի՝ պարտավորությունների մասնակի չկատարման կամ ամբողջությամբ լուծման կողմերի փոխադարձ համաձայնությունն անհրաժեշտ է ձեռք բերել նախքան Հայաստանի Հանրապետության օրենսդրությամբ սահմանված կարգով Ծառայության մատուցման համար անհրաժեշտ ֆինանսական հատկացումների նվազեցումը:

7.9 Կատարողի կողմից ստանձնած պարտավորությունները չկատարելու կամ ոչ պատշաճ կատարելու հիմքով Պայմանագիրն ամբողջությամբ կամ մասնակի միակողմանի լուծելու մասին ծանուցումը Պատվիրատուն հրապարակում է [www.procurement.am](http://www.procurement.am) հասցեով գործող ինտերնետային կայքի «Պայմանագրերը միակողմանի լուծելու մասին ծանուցումներ» բաժնում՝ նշելով հրապարակման ամսաթիվը: Կատարողը, Պայմանագիրը միակողմանի լուծելու վերաբերյալ, համարվում է պատշաճ ծանուցված՝ ծանուցումը, սույն կետով սահմանված հրապարակվելուն հաջորդող օրվանից:

7.10 Սույն Պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերը լուծվում են ՀՀ դատարաններում:

7.11 Սույն Պայմանագիրը կազմված է 11 էջից, կնքվում է երկու օրինակից, որոնք ունեն հավասարազոր իրավաբանական ուժ: Սույն Պայմանագրի N 1, N 1.1, N 2, N 3 և N 3.1 հավելվածները հանդիսանում են Պայմանագրի անբաժանելի մասը, յուրաքանչյուր կողմին տրվում է Պայմանագրի մեկ օրինակ:

7.12 Սույն Պայմանագրի նկատմամբ կիրառվում է Հայաստանի Հանրապետության իրավունքը:

## 8. ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐԸ ԵՎ ԱՏՈՐԱԳՐՈՒԹՅՈՒՆՆԵՐԸ

### Պ Ա Տ Վ Ի Ր Ա Տ ՈՒ

«Բարձրավոլտ էլեկտրացանցեր» ՓԲԸ  
Հասցե՝ ք. Երևան, Զ. Անդրանիկի 1  
«Հայթիզնետ» ՓԲԸ, Մալաթիա մ/ճ  
Հ/Հ 1150001172630300  
ՀՎՀՀ 01522459

Գլխավոր տնօրեն՝



Հ. Հարությունյան

### Կ Ա Տ Ա Ր Ո Ղ

«Քասթըմս Բրոքեր Սերվիս» ՍՊԸ  
Հասցե՝ ք. Երևան, Խակոբյի Պող. 10  
Ինտերբանկ ՓԲԸ  
Հ/Հ 2051222038261001  
ՀՎՀՀ 02268848

Տնօրեն՝



Հ. Մանուկյան

**ՏԵԽՆԻԿԱԿԱՆ ԲՆՈՒԹԱԳԻՐ - ԳՆՄԱՆ ԺԱՄԱՆԱԿԱՑՈՒՅՑ\***  
**«ՄԱՔՍԱՅԻՆ ՆԵՐԿԱՅԱՑՈՒՑՉԱԿԱՆ (ԲՐՈՔԵՐԱԿԱՆ)» ԾԱՌԱՅՈՒԹՅՈՒՆ**

Ծառայության*							
հրավերով նախատեսված չափաբաժնի համարը	գնումների պլանով նախատեսված միջանցիկ ծածկագիրը՝ ըստ ԳՄԱ դասակարգման (CPV)	չափման միավորը	տեխնիկական բնութագիրը	ընդհանուր գինը /<< դրամ	Ընդհանուր քանակը	մատուցման	
						հասցեն	Ժամկետը
1	79221300	դրամ	«Բարձրավոլտ էլեկտրացանցեր» ՓԲԸ (Ընկերություն) անվամբ << ներմուծվող և արտահանվող ապրանքների մաքսային ձևակերպում, համաձայն Մաքսային կարգավորման մասին << օրենքի և եվրասիական տնտեսական միության մաքսային օրենսգրքի: <u>Բեռների մաքսային հայտարարագրում՝ Բեռների նախնական զննման ընթացքում մասնակցություն, որպես Ընկերություն լիազորված ներկայացուցիչ, բեռների նույնականացում՝ ըստ հաշիվապարանքագրերի (եթե ապրանքների փաթեթավորումը կամ դասավորվածությունը թույլատրում է) և բեռների բաց թողնման ընթացքում համապատասխան լիազորությունների իրականացում: Թույլտվությունների և այլ փաստաթղթերի ստացում: Բեռի զննումը, հայտարարագրումը և բացթողումը կարող է իրականացվել &lt;&lt; բոլոր սահմանային անցակետերում: Առավելագույն քանակները ներկայացվում են կից Հավելված 1.1-ով:                 </u>	8100000	1	<< բոլոր սահմանային անցակետեր և մաքսային հսկողության տարածքներ	Պայմանագիրն ուժի մեջ մտնելու օրվանից հաշված 365 օր:

**Այլ պայմաններ**

Ծառայության մատուցումը պետք է իրականացվի պայմանագիրն ուժի մեջ մտնելու օրվանից հաշված 365 օրվա ընթացքում, ընդ որում Ծառայությունը պետք է մատուցվի Պատվիրատուի կողմից գրավոր ներկայացված հայտի հիման վրա՝ առաջին անգամը պայմանագիրը ուժի մեջ մտնելու օրվանից հաշված 20 օրացուցային օրվա ընթացքում, իսկ հաջորդ անգամները՝ 2 աշխատանքային օրվա ընթացքում:



Ներմուծվող և արտահանվող ապրանքների հայտարարագրման համար մաքսային ներկայացուցչական ծառայություն					
	Աշխատանքների և ծախսերի անվանումը	Չափի միավոր	Առավել քանակը	Մեկ միավորի գինը /<< դրամ/	Ընդամենը գինը /<< դրամ/
<b>1</b>	<b>Ներմուծման և արտահանման համար թույլտվություն և այլ փաստաթղթերի ստացում</b>				
1ա	Ելնելով բեռների առանձնահատկությունից մաքսային մարմինների կողմից պահանջվող ռազմական, Ազգային անվտանգության ծառայության, երկակի նշանակության ապրանքների, և այլ մարմինների կողմից եզրակացությունների, տեղեկանքների, հավաստագրերի, թույլտվությունների ստացում: Փորձաքննությունն իրականացնող մարմինն փաստաթղթերի ներկայացում, թույլտվության ստացման նպատակով անհրաժեշտ փաստաթղթերի ապահովում, մաքսային մարմինների ներկայացում: Համապատասխան եզրակացությունների, տեղեկանքների, հավաստագրերի, թույլտվությունների ստացման արդյունքում գոյացած վճարումները և մուծումները հատուցվում են Ընկերություն կողմից:	հատ	20	0	0
<b>2</b>	<b>Ավտոտրանսպորտով ներմուծման կամ արտահանման համար մաքսային հայտարարագրում</b>				
2ա	Միևնույն կատարողի կողմից մեկ ավտոտրանսպորտային միջոցով և համապատասխան մեկ ավտոբեռնագրով (CMR) բեռի նախնական զննում՝ բեռների նույնականացում՝ ըստ փաթեթավորման ցանկի (Packing List) և հաշիվ-ապրանքագրերի (եթե ապրանքների փաթեթավորումը կամ դասավորվածությունը թույլատրում է իրականացնել զննում) նախնական հայտարարագրում, գնահատում: Բեռի «Բեռնամաքսային հայտարարագրի» նախնական օրինակի կազմում և համաձայնեցում Ընկերություն հետ: Բեռի «Բեռնամաքսային հայտարարագրի» հայտարարագրում՝ Ընկերություն կողմից անհրաժեշտ տեղեկանքները ստանալուց հետո: Մաքսային հսկողության տարածքից բեռի բաց թողման նպատակով համապատասխան գործունեության ծավալում, փաստաթղթերի ներկայացում և այլն: Բոլոր բնօրինակ փաստաթղթերը ներկայացնել Ընկերություն, որոնցով արձանագրվում է մաքսազերծումը:	հատ	400	19950	7980000
<b>3</b>	<b>Ավտոտրանսպորտով ներմուծման կամ արտահանման համար մաքսային հայտարարագրում</b>				
3ա	Միևնույն կատարողի կողմից մեկ ավտոտրանսպորտով համապատասխան մեկ ավտոբեռնագրով բեռի նախնական զննում, բեռների նույնականացում՝ ըստ փաթեթավորման ցանկի (Packing List) և հաշիվ-ապրանքագրերի (եթե ապրանքների փաթեթավորումը կամ դասավորվածությունը թույլատրում է իրականացնել զննում) նախնական հայտարարագրում, գնահատում: Բեռի «Բեռնամաքսային հայտարարագրի» նախնական կազմում և համաձայնեցում Ընկերություն հետ: Բեռի «Բեռնամաքսային հայտարարագրի» հայտարարագրում՝ Ընկերություն կողմից անհրաժեշտ տեղեկանքները ստանալուց հետո: Մաքսային հսկողության տարածքից բեռի բաց թողման նպատակով համապատասխան գործունեության ծավալում, փաստաթղթերի	հատ	5	12000	60000

	ներկայացում և այլն: Բոլոր բնօրինակ փաստաթղթերը ներկայացնել Ընկերություն, որոնցով արձանագրվում է մաքսազերծումը:				
4	<b>Երկաթուղով ներմուծման կամ արտահանման համար մաքսային հայտարարագրում</b>				
4ա	Մինևույն կատարողի կողմից մեկ երկաթուղային վագոնով համապատասխան մեկ երկաթուղային բեռնագրով բեռի նախնական զննում, բեռների նույնականացում՝ ըստ փաթեթավորման ցանկի (Packing List) և հաշիվապարանքագրերի (եթե ապրանքների փաթեթավորումը կամ դասավորվածությունը թույլատրում է իրականացնել զննում) նախնական հայտարարագրում, գնահատում: Բեռի «Բեռնամաքսային հայտարարագրի» նախնական կազմում և համաձայնեցում Ընկերություն հետ: Բեռի «Բեռնամաքսային հայտարարագրի» հայտարարագրում՝ Ընկերություն կողմից անհրաժեշտ տեղեկանքները ստանալուց հետո: Մաքսային հսկողության տարածքից բեռի բաց թողման նպատակով համապատասխան գործունեության ծավալում, փաստաթղթերի ներկայացում և այլն: Բոլոր բնօրինակ փաստաթղթերը ներկայացնել Ընկերություն, որոնցով արձանագրվում է մաքսազերծումը:	հատ	5	12000	60000
5	<b>Ապրանքային կողի/ծածկագրի ստացում Մաքսային Կոմիտեից</b>	հատ	50	0	0

**ՊԱՏՎԻՐԱՏՈՒ**

«Բարձրավիտ էլեկտրացանցեր» ՓԲԸ  
 Հասցե՝ ք. Երևան, Զ. Անդրանիկի 1  
 «Հայբիզնեսբանկ» ՓԲԸ, Մալաթիա մ/ճ  
 Հ/Հ 1150001172630300  
 ՀՎՀՀ 01522459

Գլխավոր տնօրեն՝

  
 Հարությունյան  


**Կ Ա Տ Ա Ր Ո Ղ**

«Քասթըմա Բրոքեր Սերվիս» ՍՊԸ  
 Հասցե՝ ք. Երևան, Իսակովի Պող. 10  
 Ինտերբանկ ՓԲԸ  
 Հ/Հ 2051222038261001  
 ՀՎՀՀ 02268848

Տնօրեն՝

  
 Մանուկյան  


**ՎՃԱՐՄԱՆ ԺԱՄԱՆԱԿԱՑՈՒՅՑ\***

ՀՀ դրամ

Ծառայության*							
հրավերով նախատեսված չափաբաժնի համարը	գնումների պլանով նախատեսված միջանցիկ ծածկագիրը՝ ըստ ԳՄԱ դասակարգման (CPV)	անվանումը	դիմաց վճարումները նախատեսվում է իրականացնել 2019-2020թթ.-ին, ընդ որում՝				
			III եռ/2019թ./	IV եռ/2019թ./	I եռ/2020թ./	II եռ/2020թ./	Ընդամենը
1	79221300	«Մաքսային ներկայացուցչական (բրոքերական) ծառայություն	2025000	4050000	6075000	8100000	8100000

\* Վճարման ենթակա գումարները ներկայացվում են ածողական կարգով:


**ՊԱՏՎԻՐԱՏՈՒ**


«Բարձրավոլտ էլեկտրացանցեր» ՓԲԸ  
 Հասցե՝ ք. Երևան, Զ. Անդրանիկի 1  
 «Հայթիզնետրանկ» ՓԲԸ, Մալաթիա մ/ճ  
 Հ/Հ 1150001172630300  
 ՀՎՀՀ 01522459

**Կ Ա Տ Ա Ր Ո Ղ**  
 «Քասթրնա Բրոքեր Սերվիս»  
 Հասցե՝ ք. Երևան, Իսակովի Պող. 10  
 Ինտերբանկ ՓԲԸ  
 Հ/Հ 2051222038261001  
 ՀՎՀՀ 02268848

Գլխավոր տնօրեն՝

Տնօրեն՝

  
 Հ. Հարությունյան  
 (ստորագրություն)  
 Կ.Տ.



  
 Մանուկյան  
 (ստորագրություն)



Կատարող  
«Քասթրմա Բրոքեր Սերվիս»  
Հասցե՝ ք. Երևան, Իսակովի Պող. 10  
Ինքնուրույն ՓԲԸ  
Հ/Հ 2051222038261001  
ՀՎՀՀ 02268848

Պատվիրատու  
«Բարձրավոլտ էլեկտրացանցեր» ՓԲԸ  
գտնվելու վայրը ք. Երևան, Զ. Անդրանիկի 1  
ՀՀ 1150001172630300  
ՀՎՀՀ 01522459

**ԱՐՁԱՆԱԳՐՈՒԹՅՈՒՆ N**  
**ՊԱՅՄԱՆԱԳՐԻ ԿԱՄ ԴՐԱ ՄԻ ՄԱՍԻ ԿԱՏԱՐՄԱՆ ԱՐԴՅՈՒՆՔՆԵՐԻ**  
**ՀԱՆՁՆՄԱՆ-ԸՆԴՈՒՆՄԱՆ**

«        » «        » 20 թ.

Պայմանագրի /այսուհետ՝ Պայմանագիր/ անվանումը՝

Պայմանագրի կնքման ամսաթիվը՝ «        » «        » 20 թ.

Պայմանագրի համարը՝ \_\_\_\_\_

Պատվիրատուն և Կատարողը՝ հիմք ընդունելով Պայմանագրի կատարման վերաբերյալ «        »  
«        » 20 թ. դուրս գրված N \_\_\_\_ հաշիվ ապրանքագիրը, կազմեցին սույն  
արձանագրությունը հետևյալի մասին.

Պայմանագրի շրջանակներում Պայմանագրի կողմը մատուցել է հետևյալ Ծառայությունները՝

N	անվանումը	Մատուցված Ծառայությունների					
		քանակական ցուցանիշը		կատարման ժամկետը		Վճարման ենթակա գումարը /հազար դրամ/	Վճարման ժամկետը /ըստ վճարման ժամկացույցի/
		ըստ պայմանագրով հաստատված գնման ժամանակացույցի	փաստացի	ըստ պայմանագրով հաստատված գնման ժամանակացույցի	փաստացի		
	տեխնիկական բնութագրի համառոտ շարադրանքը						

Ծառայությունը հանձնեց

\_\_\_\_\_

ստորագրություն

\_\_\_\_\_

ազգանուն, անուն

Կ.Տ.

Ծառայությունն ընդունեց

\_\_\_\_\_

ստորագրություն

\_\_\_\_\_

ազգանուն, անուն

Կ.Տ.

ԱԿՏ N  
 պայմանագրի արդյունքը Պատվիրատուին հանձնելու փաստը ֆիքսելու վերաբերյալ

Սույնով արձանագրվում է, որ \_\_\_\_\_-ի (այսուհետ՝ Պատվիրատու) և \_\_\_\_\_-ի  
Պատվիրատուի անունը Կատարողի անունը

(այսուհետ՝ Կատարող) միջև 20 թ. \_\_\_\_\_-ին կնքված N \_\_\_\_\_  
պայմանագրի կնքման ամսաթիվը պայմանագրի համարը  
 գնման պայմանագրի շրջանակներում Կատարողը 20 թ. \_\_\_\_\_-ին հանձնման-ընդունման  
 նպատակով Պատվիրատուին հանձնեց ստորև նշված Ծառայությունները.

Ծառայության		
անվանումը	չափման միավորը	քանակը (փաստացի)

Սույն ակտը կազմված է 2 օրինակից, յուրաքանչյուր կողմին տրամադրվում է մեկական օրինակ:

**ԿՈՂՄԵՐԸ**

**Հանձնեց**

\_\_\_\_\_  
ազգանուն, անուն  
 \_\_\_\_\_  
ստորագրություն

**Ընդունեց**

հայտը նախագծած ներկայացուցիչ՝

\_\_\_\_\_  
ազգանուն, անուն  
 \_\_\_\_\_  
ստորագրություն